

3.8.3. ICYICIRO CYA III: Ikirahuri gihagarika umuyaga; Ibirahuri; Agahanagura-kirahuri

INGINGO YA 85:

1. Ku kinyabiziga cyose no kuri buri romoruki:

a) Ibintu bibonerana bigize igice cy'inyuma k'ikinyabiziga habariwemo ikirahuri gihagarika umuyaga cyangwa ibigize ikibambasi cy'imbere bigomba kuba bikoze ku buryo iyo bimenetse ibyago byo gukomereka byagabanuka uko bishoboka kose

b) Ibirahuri byo guhagarika umuyaga bigomba kuba bikoze mu bintu bibonerana bidacuya kandi bikaba bikoze ku buryo bidahindura isura y'ikireberwamo kandi mu gihe bimenetse, umuyobozi agakomeza kubona bihagije inzira nyabagendwa.

2. Ikinyabiziga cyose kigendeshwa na moteri gifite **igihagarika –muyaga** uretse amapikipiki, kigomba kugira nibura agahanagura – kirahuri kamwe, ku buryo mu kugakoresha bidasaba umuyobozi guhora agakoresha. Agahanagura – kirahuri kagomba guhanagura neza ubuso buhagije kugira ngo umuyobozi ashobore kubona neza umuhanda yicaye mu ntebe.

4. Buri kinyabiziga gitegetswe kugira nibura **agahanagura – kirahuri** kamwe kigomba no kugira **akoza-kirahuri** gatuma umuyobozi abona neza cyane kandi buri gihe arebeye mu gihagarika-muyaga.

3.8.4. ICYICIRO CYA IV: Umwotsi, imyuka, insaku

Ingingo ya 86:

1. Ibinyabiziga bigendeshwa na moteri na velomoteri bigomba kuba bikoze ku buryo bitagenda bimenya bidasanze amavuta binavubura ibyotsi bicumba, bicumba umwotsi, uretse moteri yakijwe, kandi bitabangamiye rubanda cyangwa ngo bitere ubwoba inyamaswa kubera urusaku, ibyo ari byo byose ntibishobora gusakuza birengeje ingero ntarengwa zivugwa ku mugereka wa 13 w'iri teka.

2. Moteri yose ikoresheya n'ubushyuhe igomba kugira impombo yohereza imyotsi ku buryo nyabwo idasakuza kandi umuyobozi akaba atashobora kuyibura gukora neza mu rugendo. Impombo yohereza ibyotsi idafite *akagabanya rusaku irabujijwe* Kimwe n' ikindi gikorwa kigamije gukuraho cyangwa kugabanya imikorere myiza y' impombo yohereza imyotsi idasakuza .Isonga y'impombo yohereza ibyotsi ntigomba kwerekezwa iburyo bw'ikinyabiziga.

3. *Mu nsisiro, birabujijwe gusakurisha moteri igihe ikinyabiziga gihagaze moteri yaka.*

3. 8.5. ICYICIRO CYA V: Inziga

Ingingo ya 87

1. Ibiziga by'ibinyabiziga bigendeshwa na moteri n'ibya velomoteri kimwe n'ibya romoruki zabyo bigomba kuba byambaye inziga zihagwa zifite amano n'ubujyakuzimu *butari munsu ya milimetero imwe ku mirongo yabyo yose* n'ubudodo bwabyo ntibugire ahantu na hamwe bugaragara kandi ntibigire aho byacitse bikomeye mu mpande zabyo.

✓ Nyamara ibimaze kuvugwa ntibikurikizwa ku binyabiziga bidapakiye kandi bitajya birenga umuvuduko wa kilometero 25 ahategamye.

3. Inziga z'ibiziga zigomba kugira imirongo itagira utunogo n'udushundu dushobora kwangiza inzira nyabagendwa.

Inziga zishobora gushyirwaho iminyururu irwanya ubunyerere, ibyo bikorwa gusa kugirango kuva ahantu hari urwondo cyangwa hanyerera bidasanze bishoboke.